

**North Carolina Lub Khoos Kas Rau Cov Me
Nyuam Mos-Cov Me Nyuam Uas Tab Tom
Xyaum Mus Kev**

Phau Ntawv Qhia Rau Leej Niam Leej Txiv




Phau Ntawv Qhia txog Cov Kev Pab Cuam
hauv Lub Khoos Kas Rau Cov Me Nyuam
Mos-Cov Me Nyuam Uas Tab Tom Xyaum
Mus Kev rau Koj thiab Koj Tus Me Nyuam

North Carolina Lub Khoos Kas Rau Cov Me Nyuam Mos-Cov Me Nyuam Uas Tab Tom Xyaum Mus Kev yog dab tsi?

Txhua tsev neeg yeej xav kom nws tus me nyuam loj hlob thiab kawm tau yam tag nrho nws lub peev xwm. Kev muaj kev txhawj xeeb txog koj tus me nyuam txoj kev loj hlob tej zaum yuav yog ib qho kev paub tshiab rau koj tam li yog ib tse neeg thiab qhov no yuav zoo li nyuaj heev. Yuav muaj cov neeg tshiab uas yuav tau mus ntsib thiab cov lus tshiab thiab cov ntsiab lus los kawm kom nkag siab, tab sis koj tsis nyob ib leeg. Nws yog ib qho tseem ceeb uas yuav tau nco ntsoov tias muaj cov kev txhawb pab los pab kom qhov no yog qhov kev paub mus rau sab zoo rau koj tus me nyuam thiab tsev neeg. Lub Khoos Kas Rau Cov Me Nyuam Mos-Cov Me Nyuam Uas Tab Tom Xyaum Mus Kev yog nyob ntawm siab yeem xwb. Cov niam cov txiv yuav tuaj yeem xaiv ua raws li lawv tus kheej lub peev xwm, tsum qhov kev txiav txim txog kev muaj cai tsim nyog tau txais, los sis thim tawm ntawm lub khoos kas mus tau txhua lub sij hawm.

Tsab Cai Hais Txog Kev Kawm Rau Cov Neeg Xiam Oob Qhab (Individuals with Disabilities Education Act, IDEA) yog tsoom hww txoj cai lij choj hais txog txoj kev kawm uas pab txhawb qhov tseem ceeb ntawm txoj kev loj hlob thiab txoj kev kawm thaum ntxov hauv cov me nyuam yaus. Tshooj C ntawm IDEA yuav ua kom ntseeg tau tias cov kev cuam tshuam pab thaum ntxov thiab cov kev txhawb pab yog muaj rau cov me nyuam mos thiab cov me nyuam uas tab tom xyaum mus kev uas muaj kev xiam oob qhab, txij ntua yug los mus txog hnuv nyoog peb xyoos, thiab lawv tsev neeg. Nyob rau hauv North Carolina, lub laj txheej Tshooj C ntawm IDEA yog muab hu tias Lub Khoos Kas Rau Cov Me Nyuam Mos-Cov Me Nyuam Uas Tab Tom Xyaum Mus Kev. Lub Khoos Kas Rau Cov Me Nyuam Mos-Cov Me Nyuam Uas Tab Tom Xyaum Mus Kev yog ib lub laj txheej kev sib koom tes txhawb pab rau cov tsev neeg txhawm rau pab kom koj ua tau raws li cov kev xav tau fab kev loj hlob ntawm koj tus me nyuam. Lub chaw ua hauj lwm ntaus thawj rau North Carolina Lub Khoos Kas Rau Cov Me Nyuam Mos-Cov Me Nyuam Uas Tab Tom Xyaum Mus Kev ces yog Early Intervention Section ntawm North Carolina Division of Child and Family Well-Being. Nyob rau hauv koj lub zej zog, ntawm Kev Saib Xyuas Kev Pab Cuam Kev Loj Hlob Me Nyuam Yaus (Children's Developmental Services Agencies (CDSAs)) yog tus los tswj hwm, coj qhia, thiab saib xyuas cov khoos kas thiab cov dej num rau Lub Khoos Kas Rau Cov Me Nyuam Mos-Cov Me Nyuam Uas Tab Tom Xyaum Mus Kev. Muaj 16 lub CDSA nyob thoob plaws lub lav uas muab kev nkag mus rau cov kev pab cuam hauv Lub Khoos Kas Rau Cov Me Nyuam Mos-Cov Me Nyuam Uas Tab Tom Xyaum Mus Kev. Pab pawg koom tes ntawm cov CDSA no muab kev pab cuam rau tag nrho 100 lub nroog ntawm North Carolina nyob rau hauv ib qho los sis ntau lub nroog koom dej.



Cov kev cia siab thiab kev npau suav rau cov me nyuam yog yam uas nyob rau hauv lawv tsev neeg nruab siab.

Tsev neeg yuav nqis peev rau fab lub sij hawm, kev xav, thiab nyiaj txiag mus tag ib sim. Kev Cuam Tshuam Pab Thaum Ntxov yuav pab cov tsev neeg ua kom tej kev npau suav no muai tseeb.

Cov hauv paus cai ntawm Lub Khoos Kas Rau Cov Me Nyuam Mos-Cov Me Nyuam Uas Tab Tom Xyaum Mus Kev yog muaj dab tsi?

Cov tsev neeg thiaj paub thiab nkag siab txog tej kev xav tau ntawm lawv cov me nyuam zoo tshaj lwm tus. Lub Khoos Kas Rau Cov Me Nyuam Mos-Cov Me Nyuam Uas Tab Tom Xyaum Mus Kev saib muaj nuj nqis thiab ntsuam xav txog lub luag hauj lwm ntawm tsev neeg tam li yog tus yawm sij mus rau txoj kev ua qhov kev cuam tshuam pab thaum ntxov kom tiav. Vim li no, tsev neeg thiaj li yuav tsum tau ua tus khub koom tes tiag-iag nrog cov neeg hauv pab pawg cuam tshuam pab thaum ntxov. Cov me nyuam yuav tau txais kev txhawb pab zoo tshaj plaws hauv tsev neeg, thiab tsev neeg yuav tau txais kev txhawb pab zoo tshaj plaws hauv lub zej zog. Cov dej num kev cuam tshuam uas haum rau koj txoj dej num txhua hnuv uas muaj feem yuav muab cov txiaj ntsig uas koj xav tau rau koj tus me nyuam thiab tsev neeg tau ntau dua qub tuaj.

- *Tus me nyuam yuav tsum raug xam tias yog ib tug me nyuam ua ntej, es tsis yog ib tug me nyuam uas muaj "kev xav tau tshwj xeeb".*
- *Thaum tus me nyuam thiab tsev neeg loj hlob thiab txhim kho lawm, cov kev txhawb pab thiab cov kev pab cuam kuj yuav tsum tau hloov pauv mus kom ua tau raws li lawv cov kev xav tau thiab kev xaiv.*
- *Kev cuam tshuam pab thaum ntxov yuav muaj txiaj ntsig zoo tshaj plaws thaum cov tsev neeg tau txais kev txhawb pab kom ua tau raws li lawv cov me nyuam tej kev xav tau nyob rau hauv tsev neeg cov dej num thiab cov hauj lwm niaj hnuv ua.*
- *Cov me nyuam uas muaj tej kev xav tau tshwj xeeb yuav tau txais kev pab cuam zoo tshaj plaws hauv cov chaw uas tag nrho txhua tus me nyuam siv.*
- *Tsev neeg txoj kev ntseeg thiab kev muaj nuj nqis yog yam tseem ceeb thiab yuav tsum tau txais kev huab hwm, ib yam li tej keeb kws fab kab lis kev cai (kev ntseeg dab qhuas, haiv neeg, thiab hom neeg) ntawm tsev neeg.*
- *Kev sib koom ua hauj lwm ua ke ntawm cov tsev neeg thiab cov neeg muab kev pab cuam yog qhov tseem ceeb rau kev npaj cov kev txhawb pab thiab cov kev cuam tshuam pab thaum ntxov.*

Leej Twg thiaj Muaj Cai Tsim Nyog Tau Txais Cov Kev Pab Cuam los ntawm Lub Khoos Kas Rau Cov Me Nyuam Mos-Cov Me Nyuam Uas Tab Tom Xyaum Mus Kev?

Koj tus me nyuam thiab tsev neeg yuav tuaj yeem tau txais Lub Khoos Kas Rau Cov Me Nyuam Mos-Cov Me Nyuam Uas Tab Tom Xyaum Mus Kev cov kev txhawb pab thiab cov kev pab cuam yog tias koj tus me nyuam muaj hnuv nyoog qis dua peb xyoos thiab koj tus me nyuam ua tau raws li cov qauv cai rau ib qho ntawm ob hom kev muaj cai tsim nyog tau txais uas tau piav qhia hauv qab no.

Hom 1. Kev Qeeb Fab Kev Loj Hlob

Cov qib uas cov me nyuam mos thiab cov me nyuam uas tab tom xyaum mus kev yuav tau hla dhau yog muaj ntau yam txuj ci kev txawj sib txawv, xws li kev mus kev thiab kev hais lus. Cov kev txawj ntse no, los sis cov hom phiaj fab kev loj hlob, uas feem ntau yuav tshwm sim nyob rau qee ncuva hnuv nyoog. Cov me nyuam feem ntau yuav txhim kho tej kev txawj ntse nyob rau tej ncwb ncuva uas tuaj yeem twv tau. Lawv yuav txawj nkag ua ntej lawv txawj mus kev, thiab lawv yuav txawj taw tes ua ntej txawj hais lus qhia rau koj txog yam uas lawv xav tau. Txawm li cas los xij, nws yog ib qho tseem ceeb uas yuav tau nco ntsoov tias txhua tus me nyuam yuav loj hlob mus raws nws tus kheej tus xeeb ceem thiab raws nws tus kheej lub peev xwm.

Lub Khoos Kas Rau Cov Me Nyuam Mos-Cov Me Nyuam Uas Tab Tom Xyaum Mus Kev yuav xam tias tus me nyuam muaj kev loj hlob qeeb yog tias nws yeej poob qab lwm tus me nyuam nyob rau tib lub hnuv nyoog deb heev hauv ib yam twg ntawm cov hauv qab no nce mus:

- *Kev Loj Hlob Fab Kev Cim Xeeb - kev xav thiab kev kawm txuj*
- *Kev Loj Hlob Fab Lub Cev - kev txav mus los, kev pom kev, kev hnov lus thiab kev muaj txiab xeeb*
- *Kev Loj Hlob Fab Kev Sib Txuas Lus - kev nkag siab thiab kev siv cov suab, cov yam ntxwv, thiab cov lus*
- *Kev Loj Hlob Fab Sim Neej-Kev Xav - kev teb thiab tsim kev sib raug zoo nrog tib neeg*
- *Kev Loj Hlob Fab Kev Hloov Pauv Kom Haum - kev saib xyuas tus kheej thaum ua tej yam xws li kev noj zaub mov los sis kev hnav khaub ncaws*

Koj tus me nyuam txoj kev loj hlob yuav raug ntsuam xyuas dhau los ntawm ntau txoj hau kev suav nrog kev soj saib, daim ntawv tshaj qhia ntawm niam txiv, thiab kev ntaus nqi xyuas thiab kev ntsuam xyuas los ntawm cov kws tshaj lij fab kev loj hlob. Kev ntaus nqi xyuas thiab kev ntsuam xyuas yog yuav ua rau leej neeg txhawm rau hais daws tej kev xav tau tshwj xeeb thiab tej kev txhawj xeeb ntawm koj tus me nyuam thiab tsev neeg.

Hom II: Tus Yam Ntxwv Mob Uas Yeej Muaj Lawm

Tus me nyuam yuav raug xam hais tias muaj tus yam ntxwv mob uas twb yeej muaj lawm yog tias tus me nyuam muaj mob fab lub cev los sis lub hlwb uas muaj qhov uas yuav tuaj yeem ua rau muaj kev loj hlob qeeb. Cov piv txwv yog muaj xws li qee yam kab mob los ntawm roj ntsha caj ces, cov kab mob fab paj hlwb, kev yug ua ntej ntau heev, tsis pom kev, tsis hnov lus los sis mob hlwb taj.

(Cov lus piav qhia saum toj no yog cov lus sua ntsiab lus thiab tsis yog cov lus txhais ntsiab lus txhij txhua txog cov hom kev muaj cai tsim nyog tau txais. Koj tuaj yeem tau txais cov ntaub ntawv qhia paub ntau ntxiv los ntawm kev nug koj Tus Neeg Dhia Dej Num Kev Pab Cuam Rau Kev Cuam Tshuam Pab Thaum Ntxov ntawm koj lub CDSA los sis los ntawm www.ncdhhs.gov/itp-beearly.)



Kuv Tus Me Nyuam Qhov Muaj Cai Tsim Nyog Rau Txiaiv Txim li cas?

Thaum koj tus me nyuam raug xa mus rau NC ITP, ces yuav muaj ob txoj hau kev los txiaiv txim txog kev muaj cai tsim nyog tau txais:

1. Tus me nyuam cov ntaub ntawv zwm txog kev kho mob los sis lwm cov ntaub ntawv zwm yuav raug siv los teev qhov kev muaj cai tsim nyog tau txais (yam tsis tas ua kev ntaus nqi xyuas tus me nyuam) yog tias cov ntaub ntawv zwm no qhia tias koj tus me nyuam muaj kev loj hlob qeeb los sis tus yam ntxwv mob uas twb yeej muaj lawm uas yuav ua tau raws li lub lav cov qauv cai hais txog kev tsim nyog tau txais.
2. Yog tias tsis tuaj yeem teev koj tus me nyuam qhov kev muaj cai tsim nyog dhau los ntawm kev tshuaj xyuas cov ntaub ntawv kho mob los sis lwm yam ntaub ntawv zwm, ces yuav tsum muaj kev ntaus nqi xyuas txhawm rau los txiaiv txim txog koj tus me nyuam qhov kev muaj cai tsim nyog tau txais lub khoos kas.

Qhov kev ntaus nqi xyuas yog yuav ua los ntawm cov neeg ua hauj lwm uas muaj kev paub tsim nyog thiab suav nrog kev koom nrog ntawm ob los sis ntau feem txuj ci kev paub los sis kev tshaj lij. Nyob rau hauv kev ntaus nqi xyuas, yuav tsis tuaj yeem siv ib ttug txheej txheem los txiaiv txim txog tus me nyuam qhov kev muaj cai tsim nyog. Yog li ntawd, qhov kev ntaus nqi xyuas koj tus me nyuam yuav suav nrog cov hauv qab no:

- Kev tswj xyuas qhov cuab yeej kev ntaus nqi xyuas.
- Kev xam phaj leej niam leej txiv kom tau txais tus me nyuam cov keeb kwm kev kho mob thiab kev loj hlob.
- Kev txheeb xyuas koj tus me nyuam qib kev ua hauj lwm hauv suam kev loj hlob fab kev cim xeeb, kev sib txuas lus, kev sib raug zoo-kev xav, kev hloov pauv, thiab kev loj hlob fab lub cev uas suav nrog kev pom kev thiab kev hnov lus.
- Kev suav sau cov ntaub ntawv los ntawm lwm qhov chaw xws li lwm tus neeg zov thiab cov kws kho mob, yog tias tsim nyog, kom nkag siab txhij txhua txog yam uas koj tus me nyuam yeej ua tau zoo lawm thiab tej kev xav tau, thiab kev tshuaj xyuas cov ntaub ntawv zwm txog kev kho mob, kev kawm los sis lwm yam.

Kev ntsuam xyuas tus me nyuam thiab kev ntsuam xyuas ncaj qha rau tsev neeg yeej tau ua tiav tag lawm rau txhua tus me nyuam uas muaj cai tsim nyog tau txais ua ntej kev tsim Txoj Phiaj Xwm Kev Pab Cuam Uas Haum Rau Tsev Neeg (IFSP). Muaj cov ntaub ntawv qhia paub ntau ntxiv txog txoj IFSP nyob tom qab hauv phau ntawv no. Cov kev ntsuam xyuas no yog ua los txhawm rau txheeb xyuas yam uas koj tus me nyuam yeej ua tau zoo lawm thiab tej kev xav tshwj xeeb thiab cov kev cuam tshuam pab thaum ntxov uas tsim nyog los ua kom tau raws li tej kev xav tau no thiab koj tsev neeg cov peev txheej, tej yam tseem ceeb, thiab kev txhawj xeeb uas cuam tshuam txog kev txhim kho koj tus me nyuam txoj kev loj hlob.

Tus Neeg Dhia Dej Num Rau Kev Cuam Tshuam Pab Thaum Ntxov yog dab tsi?

Tus Neeg Dhia Dej Num Kev Pab Cuam Rau Kev Cuam Tshuam Pab Thaum Ntxov yog koj tus neeg tiv tauj tseem ceeb hauv North Carolina Lub Khoos Kas Rau Cov Me Nyuam Mos-Cov Me Nyuam Uas Tab Tom Xyaum Mus Kev. Tus neeg dhia dej num yuav ua hauj lwm nrog koj los nrhiav cov kev txhawb pab thiab cov kev pab cuam los ua kom tau raws li koj tus me nyuam thiab tsev neeg tej kev xav tau. Cov tsev neeg feem ntau yuav pib ua hauj lwm nrog Tus Neeg Dhia Dej Num Kev Pab Cuam Rau Kev Cuam Tshuam Pab Thaum Ntxov kiag tam siv uas lawv tus me nyuam raug xa mus rau Lub Khoos Kas Rau Cov Me Nyuam Mos-Cov Me Nyuam Uas Tab Tom Xyaum Mus Kev. Tsoom hwv teb chaws thiab lub lav cov cai lij choj tseev kom cov me nyuam thiab cov tsev neeg uas tau txais kev pab cuam los ntawm Lub Khoos Kas Rau Cov Me Nyuam Mos-Cov Me Nyuam Uas Tab Tom Xyaum Mus Kev yuav tsum tau muaj Tus Neeg Dhia Dej Num Kev Pab Cuam Rau Kev Cuam Tshuam Pab Thaum Ntxov.

Koj Tus Neeg Dhia Dej Num Rau Kev Cuam Tshuam Pab Thaum Ntxov Tuaj Yeem Pab Koj:

- *Nkag siab txog koj cov cai nyob rau hauv NC Lub Khoos Kas Rau Cov Me Nyuam Mos-Cov Me Nyuam Uas Tab Tom Xyaum Mus Kev*
- *Txiav txim siab txog koj tus me nyuam tej kev xav tau, koj tej kev xaiv kev txhawb pab thiab cov kev pab cuam, thiab cov hauv kev los txais cov kev txhawb pab thiab cov kev pab cuam.*
- *Nrhiav cov kev txhawb pab thiab cov kev pab cuam raws li tau teev tseg hauv koj tsev neeg Txoj Phiaj Xwm Kev Pab Cuam Uas Haum Rau Tsev Neeg (IFSP) thiab xyuas kom meej txog kev muab thiab qhov zoo ntawm cov kev pab cuam no.*
- *Nrhiav cov lus teb rau cov lus nug uas koj muaj txog koj tus me nyuam.*
- *Tham nrog lwm tus kws paub tshwj xeeb nrog koj tus me nyuam thiab tsev neeg.*
- *Txiav txim siab txog yam kev txhawb pab thiab cov ntaub ntawv uas koj xav tau, koj xav tau ntau npaum li cas, thiab koj xav tau txais li cas.*
- *Nrhiav cov peev txheej uas yuav muaj txiaj ntsig rau koj tus me nyuam thiab tsev neeg.*
- *Npaj seb yuav tsum tau ua kom tiav thaum twg thiab txiav txim siab seb leej twg yuav yog tus los ua.*
- *Npaj rau kev hloov pauv cov kev pab cuam los ntawm kev tham txog cov kev xaiv, kev mus ntsib cov khoos kas tshiab, thiab kev npaj phiaj xwm rau txhua tus rau kev hloov pauv, suav nrog kev npaj phiaj xwm rau kev hloov txauv rau cov kev pab cuam thaum koj tus me nyuam muaj hnuv nyoog peb xyoos.*
- *Daws kho txhua yam teeb meem uas muaj nrog koj pab pawg saib xyuas kev cuam tshuam pab thaum ntxov txog tej yam xws li kev muaj cai tsim nyog tau txais cov kev pab cuam, hom kev pab cuam, thiab cov nqi rau kev pab cuam.*

Txoj Phiaj Xwm Kev Pab Cuam Uas Haum Rau Tsev Neeg (IFSP) yog dab tsi?

Txoj Phiaj Xwm Kev Pab Cuam Uas Haum Rau Tsev Neeg, los sis IFSP, yog koj tsev neeg txoj phiaj xwm uas sau ua ntaub ntawv rau Lub Khoos Kas Rau Cov Me Nyuam Mos-Cov Me Nyuam Uas Tab Tom Xyaum Mus Kev. Nws piav qhia tias seb koj thiab koj pab neeg cuam tshuam pab thaum ntxov yuav sib cog ua hauj lwm ua ke li cas los daws cov kev xav tau uas tau teev tseg rau koj tus me nyuam thiab tsev neeg. Txoj IFSP yog muab tsev neeg saib rau nruab nrab. Qhov no txhais tau hais tias koj yuav yog ib tug tswv cuab uas muaj feem nyob hauv pab pawg thiab yog tus neeg txiav txim siab tseem ceeb hauv txoj IFSP.

Txoj IFSP yog saib raws li cov ntaub ntawv los ntawm kev ntaus nqi xyuas koj tus me nyuam thiab los ntawm tej kev txhawj xeeb, cov peev txheej, thiab tej yam tseem ceeb uas koj txheeb qhia. Zoo li daim phiaj qhia txoj kev los sis daim yuaj kev taug kev mus ncig, txoj IFSP yuav qhia txog qhov uas koj yuav mus (tus me nyuam thiab tsev neeg cov txiaj ntsig los sis cov hom phiaj), koj yuav tuaj yeem mus txog ntawd tau li cas thiab thaum twg (cov kev pab cuam thiab cov sij hawm uas teev tseg), thiab tus neeg uas yuav nrog koj mus txhawm rau muab kev txhawb pab (cov neeg muab kev pab cuam, tsev neeg, tej phooj ywg, thiab/los sis lwm yam kev txhawb pab hauv zej zog).

Koj Tus Neeg Dhia Dej Num Kev Pab Cuam Rau Kev Cuam Tshuam Pab Thaum Ntxov muaj lub luag hauj lwm los piav qhia txog txoj IFSP rau koj. Nws yuav ua kom ntseeg tau tias yeej tau sau txoj IFSP lawm thiab yuav teb cov lus nug uas koj muaj.

Koj qhov kos npe rau txoj IFSP yuav qhia koj txog koj qhov kev koom nrog thiab koj qhov kev pom zoo nrog txoj phiaj xwm. Txawm li cas los xij, yog tias koj tsis pom zoo rau tag nrho los sis ib feem ntawm txoj IFSP, ces koj muaj cai qhia koj tej kev txhawj xeeb thiab thov kom hloov pauv tau. Koj yuav tuaj yeem lees txais los sis tsis lees txais ib qho los sis tag nrho cov kev pab cuam uas qhia kom muab rau koj. Koj tuaj yeem tsum tsis siv qhov kev pab cuam tau txhua lub sij hawm uas koj xav tau. Peb yuav tsum muab ib daim ntawv theej ntawm txoj IFSP rau koj tom qab ua tiav thiab kos npe rau tag lawm.

Txoj IFSP uas sau tau lawm yuav raug tshuaj xyuas txhua rau lub hlis. Txawm li cas los xij, koj tej kev xav tau thiab cov peev txheej yuav hloov pauv tuab dua ntawd. Koj tuaj yeem thov hloov kho los sis tshuaj xyuas koj txoj IFSP tau txhua lub sij hawm.

Leej Twg Yuav Muaj Feem Koom Nrog Kev Tsim peb Txoj IFSP rau Tsev Neeg?

Koj thiab koj pab neeg IFSP yuav sib cog ua hauj lwm los tsim koj txoj phiaj xwm thiab muab kev pom zoo rau ib qho kev pab cuam thiab kev txhawb pab twg uas yuav ua tau zoo raws li koj tus me nyuam tej kev xav tau ntau tshaj plaws thiab haum rau koj tsev neeg tej dej num txhua hnuv. Cov neeg uas yuav tsum tau koom nrog yog muaj:

- *Koj (ib tug los sis ob leeg niam txiv, tus neeg saib xyuas, niam qhuav txiv qhuav los sis leej niam leej txiv hloov chaw)*
- *Koj Tus Neeg Dhia Dej Num Rau Kev Cuam Tshuam Pab Thaum Ntxov*
- *Cov tswv cuab ntawm koj pab pawg neeg ntaus nqi xyuas*
- *Cov neeg muab kev cuam tshuam pab thaum ntxov rau koj thiab koj tus me nyuam, raws li qhov tsim nyog*

Koj yuav tuaj yeem caw lwm tus neeg los ua koj pab pawg saib xyuas txoj IFSP tau, xws li lwm tus neeg hauv tsev neeg los sis tus neeg tawm tswv yim los sis tus neeg ntawm koj tsev neeg sab nrauv.

Cov Kev Pab Cuam Uas Muaj rau Kuv Tus Me Nyuam thiab Tsev Neeg yog Cov Twg?

Muaj ntau yam kev txhawb pab thiab kev pab cuam nyob rau hauv Lub Khoos Kas Rau Cov Me Nyuam Mos-Cov Me Nyuam Uas Tab Tom Xyaum Mus Kev. Qee cov yog cov kev pab cuam uas yuav tsum muaj. Qhov no txhais tau hais tias Lub Khoos Kas Rau Cov Me Nyuam Mos-Cov Me Nyuam Uas Tab Tom Xyaum Mus Kev yuav tsum npaj kom muaj cov no yog tias muab suav nkag rau hauv koj txoj IFSP.

Cov kev pab cuam uas yuav tsum muaj yog muaj xws li:

Cov Cuab Yeej thiab Cov Kev Pab Cuam Thev
Naus Laus Zis Pab
Cov Kev Pab Cuam Kho Pob Ntseg
Kev Cob Qhia Tsev Neeg, Kev Pab Sab Laj, thiab
Kev Mus Saib Hauv Tsev
Cov Kev Pab Cuam Fab Kev Noj Qab Haus Huv

Cov Kev Pab Cuam Kho Mob
Cov Kev Pab Cuam Saib Xyuas Neeg Mob

Cov Kev Pab Cuam Khoom Noj Khoom Haus Zoo

Kev Kho Mob Fab Kev Ua Hauj Lwm

Kev Kho Mob Fab Lub Cev
Cov Kev Pab Cuam Kho Mob Puas Siab Puas
Ntsws

Cov Kev Pab Cuam Dhia Dej Num Rau Kev Pab
Cuam
Lus Piav Tes thiab Lus Taw Qhia
Cov Kev Pab Cuam rau Kev So Ib Vuag

Cov Kev Pab Cuam Fab Hauj Lwm Pab Zej
Tsoom
Cov Kev Pab Cuam Kev Qhia Ntawv Tshwj
Xeeb/Cov Kev Pab Cuam Kev Kho Kom Zoo
Rov Los Li Qub Hauv Zej Zog (CBRS)
Cov Kev Pab Cuam Kho Kev Hais Lus-Hom Lus
Hais
Kev Thauj Mus Los thiab Cov Nqi Uas Cuam
Tshuam
Cov Kev Pab Cuam Kho Qhov Muag

Tej zaum lwm cov kev pab cuam kuj yuav raug teev rau hauv koj txoj IFSP tab sis txoj cai lij choj kuj tsis teev tseg kom NC Lub Khoos Kas Rau Cov Me Nyuam Mos-Cov Me Nyuam Uas Tab Tom Xyaum Mus Kev muab rau koj. Koj Tus Neeg Dhia Dej Num Kev Pab Cuam Rau Kev Cuam Tshuam Pab Thaum Ntxov yuav tuaj yeem pab koj nrhiav thiab nkag mus siv cov kev pab cuam no. Cov piv txwv txog lwm cov kev pab cuam uas qee zaum xav qhia kom ua yog:

- *Kev Saib Xyuas Me Nyuam*
- *Kev Mus Saib Kom Me Nyuam Noj Qab Nyob Zoo*
- *Kev Pab Sab Laj Txog Fab Roj Ntsha Caj Ces*
- *Lub Khoos Kas WIC (Women, Infants, and Children)*

Koj Tsev Neeg Cov Cai


Thov mus saib phau ntawv hais txog “Tsab Ntawv Ceeb Toom txog Tus Me Nyuam thiab Tsev Neeg Cov Cai”, uas yuav piav qhia txog koj txoj cai, nrog rau piav qhia tias koj puas muaj cai tau txais kev ceeb toom txog kev tiv thaiv raws tus txheej txheem tshwj xeeb nyob rau hauv NC Lub Khoos Kas Rau Cov Me Nyuam Mos-Cov Me Nyuam Uas Tab Tom Xyaum Mus Kev. Cov kev tiv thaiv raws tus txheej txheem no yog koj qhov kev tiv thaiv uas koj yuav yog tus los txiav txim siab tseem ceeb thiab cov chaw hauj lwm saib xyuas kev cuam tshuam pab thaum ntxov yuav ua raws li cov txheej txheem uas teev tseg.

Txoj Phiaj Xwm Kev Hloov Txauv yog dab tsi?

Tej zaum koj tsev neeg yuav txaus siab rau cov kev txhawb pab thiab cov kev pab cuam uas koj thiab koj tus me nyuam tau txais los ntawm Lub Khoos Kas Rau Cov Me Nyuam Mos-Cov Me Nyuam Uas Tab Tom Xyaum Mus Kev. Thaum koj tus me nyuam muaj hnuv nyoog peb xyoos, nws yuav yog ib qho nyuaj rau xav txog kev hloov pauv los sis kev hloov txauv. Kev npaj phiaj xwm kev hloov txauv yog ib tug txheej txheem tsis tu ncuu thiab tshwm sim hauv ntau txoj hauv kev sib txawv, xws li dhau los ntawm kev sib tham tsis raws cai thiab cov rooj sib tham uas tau teem sij hawm tseg. Koj Tus Neeg Dhia Dej Num Kev Pab Cuam Rau Kev Cuam Tshuam Pab Thaum Ntxov yuav coj koj ua tus txheej txheem kev npaj phiaj xwm rau kev hloov pauv thiab yuav pab ua kev yooj yim rau kev txhim kho Txoj Phiaj Xwm Kev Hloov Pauv yam sau muaj ntaub n=muaj ntawv txhawm rau muab suav nkag rau hauv koj tsev neeg txoj IFSP.


Cov dej num kev npaj phiaj xwm kev hloov txauv yog muaj xws li:

- *Kev sib tham thiab kev suav sau cov ntaub ntawv hais txog cov kev xaiv rau kev muab tso chaw yav tom ntej, cov kev pab cuam, thiab cov kev txhawb pab hauv koj lub zej yog.*
- *Pab npaj koj thiab koj tus me nyuam rau tej kev hloov rau cov kev pab cuam.*
- *Kev muab cov ntaub ntawv hais txog koj tus me nyuam (xws li cov ntawv tshaj qhia txog kev ntaus nqi xyuas thiab kev ntsuam xyuas, thiab cov IFSP) rau lwm tus neeg muab kev pab cuam yog tias tau koj daim ntawv tso cai pom zoo.*



Ib Kauj Ruam Zuj Zus txog Lub Khoos Kas Rau Cov Me Nyuam Mos-Cov Me Nyuam Uas Tab Tom Xyaum Mus Kev

Qhov no yog lus sua ntsiab lus txog cov kauj ruam uas koj tsev neeg yuav tuaj yeem ua tau thaum nyob rau hauv Lub Khoos Kas Rau Cov Me Nyuam Mos-Cov Me Nyuam Uas Tab Tom Xyaum Mus Kev.



Cov Kauj Ruam Xub Thawj: Kev Pib

1. Kev Xa Mus

- Txhua tus, suav nrog leej niam leej txiv, uas muaj kev txhawj xeeb txog koj tus me nyuam yuav tuaj yeem xa nws mus rau Lub Khoos Kas Rau Cov Me Nyuam Mos-Cov Me Nyuam Uas Tab Tom Xyaum Mus Kev tau.
- Kev xa mus yuav tuaj yeem ua tau los ntawm kev hu xov tooj, xa fev, sau ntawv, los sis tus kheej mus kiag rau lub CDSA hauv cheeb tsam.
- Thaum tau txais kev xa mus lawm, Tus Neeg Dhia Dej Num Kev Pab Cuam Rau Kev Cuam Tshuam Pab Thaum Ntxov yuav raug xaiv los pab koj tsev neeg.

2. Cov Kev Tiv Tauj Thawj Zaug

- Nyob rau thaum koj cov kev tiv tauj xub thawj nrog tus neeg dhia dej num kev pab cuam thiab lwm tus neeg ua hauj lwm hauv CDSA, lawv yuav nug koj txog koj tus me nyuam, nws txoj kev loj hlob, thiab keeb kwm fab kev kho mob.
- Cov kev sib ntsib sib tham xub thawj no yuav pab kom peb nkag siab txog koj tej kev txhawj xeeb thiab tej yam tseem ceeb ntawm tsev neeg, yam uas koj tus me nyuam ua tau zoo lawm nyob rau tam sim no, thiab tej suam uas yuav tsum tau txhim kho, suav nrog tej kev ua tiav thiab tej teeb meem nyuaj uas koj yuav ntsib nyob rau tej dej num txhua hnuv.

3. Kev Ntaus Nqi Xyuas thiab Kev Ntsuam Xyuas

- Txhawm rau txiav txim siab seb koj tus me nyuam puas muaj cai tsim nyog tau txais Lub Khoos Kas Rau Cov Me Nyuam Mos-Cov Me Nyuam Uas Tab Tom Xyaum Mus Kev, ces yuav tsum tau ntaus nqi xyuas koj tus me nyuam lub peev xwm tam sim no.
- Cov ntaub ntawv uas suav sau tau los ntawm qhov kev ntsuam xyuas yuav qhia peb txog yam uas koj tus me nyuam ua tau zoo thiab txhua suam kev loj hlob uas yuav tau txais txiaj ntsig los ntawm kev txhawb pab thaum ntxov.

Cov Kauj Ruam Txuas Mus Tom Ntej: Cov Kev Pab Cuam

4. Txoj Phiaj Xwm Kev Pab Cuam Uas Haum Rau Tsev Neeg (IFSP)

- Thaum koj tus me nyuam raug txiav txim tias muaj cai tsim nyog tau txais Lub Khoos Kas Rau Cov Me Nyuam Mos-Cov Me Nyuam Uas Tab Tom Xyaum Mus Kev, ces tus neeg dhia dej num kev pab cuam yuav qhia txog kev tsim txoj IFSP.
- Kev tsim txoj IFSP thawj zaug yuav tsum tsis pub dhau 45 hnuv txij li kev xa mus.

5. Kev Muab Kev Pab Cuam

- Koj tus me nyuam yuav tau txais cov kev pab cuam raws li tau teev tseg hauv txoj IFSP.
- Cov kev pab cuam uas teev tseg hauv txoj IFSP yuav tsum pib tsis pub dhau 30 hnuv tom qab tsim tau txoj IFSP thiab tsev neeg kos npe rau lawm.

6. Kev Tshuaj Xyuas Txoj IFSP


- Yog tias tej kev xav tau ntawm koj tus me nyuam thiab tsev neeg muaj kev hloov pauv, ces cov kev txhawb pab thiab cov kev pab cuam kuj yuav tsum tau hloov mus ib yam thiab.
- Txoj IFSP yuav raug tshuaj xyuas yam tsawg kawg txhua rau lub hli txhawm rau ua kom ntseeg tau tias nws tseem haum rau tej yam uas tseem ceeb rau koj thiab koj tus me nyuam thiab tsev neeg tej kev xav tau.
- Koj tuaj yeem thov hloov kho los sis tshuaj xyuas koj txoj IFSP tau txhua lub sij hawm.

Cov Kauj Ruam Yav Pem Suab: Kev Tawm ntawm Lub Khoos Kas Mus

7. Kev Hloov Txauv


- Cov me nyuam uas yuav hloov tawm ntawm Lub Khoos Kas Rau Cov Me Nyuam Mos-Cov Me Nyuam Uas Tab Tom Xyaum Mus Kev thaum lawv tsis muaj cai tsim nyog tau txais lub khoos kas los sis thaum lawv muaj hnuv nyoog txwm peb xyoos lawm.
- Cov phiaj xwm kev hloov pauv yog muab teev tseg rau hauv txoj IFSP lawm.

Cov niam cov txiv tuaj yeem xaiv ua raws li lawv tus kheej lub peev xwm, tsum qhov kev txiav txim txog kev muaj cai tsim nyog tau txais, los sis thim tawm ntawm lub khoos kas mus tau txhua lub sij hawm.



North Carolina

Lub Khoos Kas Rau Cov Me Nyuam Mos-Cov Me Nyuam Uas Tab Tom Xyaum Mus Kev



NC DEPARTMENT OF **HEALTH AND HUMAN SERVICES**

Division of Child and Family Well-Being
NC Infant-Toddler Program (NC ITP)

State of North Carolina
Department of Health and Human Services
Division of Child and Family Well-Being
Early Intervention Section

www.ncdhhs.gov

www.ncdhhs.gov/division-child-and-family-well-being

www.ncdhhs.gov/itp-bearly

Tso Cai rau Kev Rov Muab Luam Dua Tshiab

Lub Plaub Hlis Ntuj 2013 | Lub Xya Hli Ntuj 2019 | Lub Tsib Hlis Ntuj 2022 | Lub Kaum Hli Ntuj 2023 |
Lub Xya Hli Ntuj 2024

*Lub Department of Health and Human Services tsis muaj kev ntxub ntxaug
uas yog saib raws hom neeg, xim tawv nqaj, lub teb chaws yug, poj niam
los txiv neej, kev ntseeg dab qhuas, hnuv nyoog los sis kev tsis xiam oob
qhab los ntawm kev ua hauj lwm los sis kev muab kev pab cuam.*